

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.8 Ng.4 liggaeuq sincouj nienz ndwenroek ngeihroek

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3485 geiz
Geiz neix 8 banj

Gaiq Daih 18 Dunghbozvei Ndwen 9 Youq Nanzningz Banh

第 18 届东博会 9 月 在 南 宁 举 办

Ndwen 7 ngoenz 29 Gozsinhbanh lwnh vunzlai rox, Gaiq Daih 18 Cungguk—Dunghmungz Bozlanjei caeuq Cungguk—Dunghmungz Sanghvu Caeuq Douzswih Funghvei yaek youq ndwen 9 ngoenz 10 daengz ngoenz 13 youq Gvangjsih Nanzningz banh, daengzseiz yaek ndalaeb aen canjgih cienmonz hawj gij giyez guk cwngyenz (RCEP) yaengdingh gvanhaeh bouxdoi h ginhci cienzmienh mbangj gizdieg, caemhcai banh RCEP ciendaez sonlien h hodzung.

Gaiq bozlanjei caeuq funghvei neix cawjdaez dwg “caezieng diuzroen moq seizgei moq gwnz dieg gwnz haij caemhguh aen minghyinh caezcaemh Cungguk—Dunghmungz”, yaek yungh gwnz sienq laj sienq giethab vunqsik banh. Guk cawjdaez

laebdaeb dwg Laujvoh.

Sanghvu buchangj culij Yin Hungzbinh naeuz, gaiq dunghbozvei neix cingqdwg gak fueng gaenxmaenx doidoengh RCEP mizyauq hengzguh, vihneix, bozlanjei yaek banh RCEP ciendaez sonlien hawj giyez rauh iq camgya, banh RCEP ginghamou hozcoz gunghsangh gauhfung h lundanz, caemhcai yaek laeb aen canjgih RCEP daengj.

Ciuq Gvangjsih Bouxcuengh Swcigih fucujis Liuz Hungzvuj gaisau, bozlanjei mboujdan cingj giyez mbangj guk cwngyenz RCEP, lij cingj giyez gukgya engqlai henz roen “rangh ndeu roen ndeu” camgya canjanj camgya haihoih, roengzrengz doidoengh dunghbozvei dai fugsah “10+1” coh fugsah RCEP caeuq “rangh ndeu roen

ndeu” gya’ gvangq.

Seizneix, “rangh ndeu roen ndeu” gozci canjgih najdieg canjanj gyoebesuenq daih’ iek 9000 bingz-fanghmij, doengzbeij gyalai 28.6%, Bahghiswh-danj, Bohlanz, Hanzgoz, Yizbwnj, Audaliya, Sinhsihlanz, Ngozlozswih, Fazgoz, Sihbanhyaz daengj 20 lai aen gukgya cujiz giyez camgya canjanj.

Ciuq cam rox, daij dunghbozvei, douzswih funghvei banh doxdaeuj, gungh miz 97 boux bouxlingjdauj gukgya ndawguk rogguk, 3400 lai boux buchangj gaep bouxhek camgya, 92.6 fanh boux canghseng’ eiq ndawguk rogguk camgya canjanj camgya haihoih, gungh banh 282 aen lundanz hoih caengzsang.

(Yiz Gyahsinh Vuz Hau)

Sanhgyangh:

Fwngzmbaeu San “Aen Loqsiengj Youq Onj”

三江：巧手编织“安居梦”

Ndwen 7 ngoenz 31, gyoengq vunz youq Aen Dieg Bouxndangcanz Gyanghconh Comz Couhnieb Sanhgyangh Duncuz Swciyen Gujyiz Cin Nanzcan Segih san eijgaeu. Geij bi neix daeuj, Sanhgyangh baengh giindei Guengjdoeng Guengsae doxgap banggungz, aeu dingh-dan eijgaeu Guengjdoeng yinxhaeuj dieg aneicq buen ranz senjyouq, hawj vunzlai buen bae youq haenx youq bakdou ranz couhnieb soengset, ndaej gyalai souhaeuj, baujmaenh vunzlai “buen ndaej ok, youq ndaej onj, ndaej baenzmiz”.

(Gungh Bujgangh)



Gaiq Daih 9 Daengx Gih Gihcwngz Vunz-lai Vwnzyi Comzyienj Youq Yilinz Banh

第 9 届 全 区 基 层 群 众 文 艺 会 演 汇 报 演 出 在 玉 林 举 行

Ndwen 7 ngoenz 26, Gaiq Daih 9 Daengx Gih Gihcwngz Vunzlai Vwnzyi Comzyienj angqhoh Cungguk Gungcanjdangj laebbaenz 100 hopbi “ciengx-lwenx riengz dangj byaij” youq Yilinz banh. Diuqfoux 《Giuz Lwed Gvaq Dahsienghgyangh》、bajheiq 《Yinghyungz Okbing Bae’gyae》、siujcuj ciengq 《Bungz Daengz Mbanjcuengh》、siujbinj 《Gij Genjyingj Ceiz Gyaeundeiz》 daengj 20 lai aen cezmu maenhndei, gangjok gij vah ndawsim lwg Mbanjcuengh dingq dangj gangj, gyo’mbaiq aencingz dangj, riengz dangj byaij.

Ciuq cam rox, daengx gih gihcwngz vunzlai vwnzyi comzyienj dwg hangh hodzung binjbaiz vunzlai vwnzyi Gvangjsih

ndeu, moix bi banh gaiq ndeu. Gaiq comzyienj neix dwg aen hodzung Gvangjsih angqhoh Cungguk Gungcanjdangj laebbaenz 100 hopbi caeuq gij neiyungz youqgaenj hodzung senhconz son’gyauq vunzlai “riengz dangj byaij”, youq ndwen 7 ngoenz 21 daengz ngoenz 26 youq Bwzhaij Si, Yilinz Si doengzcae banh. Ndawde ciengqgo, diuqfoux doxdax caeuq cezmu maenhndei comzyienj youq Yilinz Si banh, 18 aen doihdaiqbuij, 157 aen cezmu, daih’ iek 2700 boux vunz daij Gvangjsih 14 aen si caeuq gihciz mizgven danhvei daeuj haenx doxcomz Yilinz Si camgya aen hoihhoengh vunzlai neix, haiguh comzyienj, yienjok leih beksingq daengj lai hangh hodzung.

(Ciengj Yingj)

Coenz Vah Siz Ginbingz

习语精读

Cunghgoz Gungcanjdangj baez laebbaenz, couh dawz vih Cunghgoz beksingq maeuz vuenyungz, vih Cunghvaz Minzcuz maeuz fukhwng laebdingh baenz gij sawjmingh goeknduj bonjfaenh. Bak bi doxdaeuj, sojmiz buekguh, sojmiz vutmingh, sojmiz dajcauh Cunghgoz Gungcanjdangj doxgiet daiqlingx Cunghgoz beksingq guh haenx, gyoebgyonj hwnjdaej couhdwg aen cawjdaez ndeu: Saedyienh Cunghvaz Minzcuz fukhwng hungmbwk.

——Gij gangvah Siz Ginbingz youq Aen Hoih Angqhoh Cunghgoz Gungcanjdangj Laebbaenz 100 Hopbi

中国共产党一经诞生,就把为中国人民谋幸福、为中华民族谋复兴确立为自己的初心使命。一百年来,中国共产党团结带领中国人民进行的一切奋斗、一切牺牲、一切创造,归结起来就是一个主题:实现中华民族伟大复兴。

——习近平 2021 年 7 月 1 日在庆祝中国共产党成立 100 周年大会上的讲话